

施南府志卷之四

知施南府事王協夢監修

疆域

古蹟

故國荒城懷古每增感慨昔賢遺轍聞風亦動
流連地志之列古蹟所以資考鏡也施在前代
為苗蠻雜處之區今則為文物冠裳之地荒砦
廢壘所在多有雖僻處萬山中而遷客放臣間
留騷雅之跡故網而收之以為好古者鑒焉志

施南府志

卷之四

疆域

古蹟

施南府 恩施縣

鹽水廢縣在衛城東四十里後周置縣並置資田郡隋
初郡廢大業初以縣屬清江郡

後周置縣 隋書地理志

武德四年廢鹽水縣 唐書地理志

開夷廢縣去衛城六十里後周置烏飛縣隋改曰開夷

唐廢 明一統志 清江郡開夷後周置曰烏飛開皇初改

焉 隋書地理志 施州清江義寧九年置開夷縣武德元

年省入 唐書地理志



清江廢縣在衛城東十里後周於此置清江郡隋初郡廢置清江縣後廢

明一統志

唐為州治宋因之元至元

十三年省

舊志稿

廢亭州在衛城東一百七十里後周置以都亭山為名

隋併為庸州徙治鹽水縣

明一統志

信陵廢縣在衛城南七十里

明一統志

舊施州在衛城東椅子山宋開慶間治此城基尚存

湖

廣通志

施州廢衛今縣治明洪武十五年置

施南府志

卷之四

疆域

二

國朝雍正六年改為恩施縣

湖北通志

廢忠孝安撫司在縣西南元置安撫司明因之隸施南

宣撫司今裁

湖北通志

施王屯在衛城南一十五里輿地唐記云州有施王餘

址故以為名蓋謂此也

明一統志

東晉末桓元子誕竄

蠻中自稱施王築城臨施水號施王子孫襲王至後周

保定勅始平之以其地置施州乃施王屯餘址

方輿勝覽

問月亭在城北有臺孤高獨出碧波峰之中舊建此亭

於上相傳李白謫夜郎嘗於此賞月

明一統志

月臺在城北門外有臺高三十丈其頂平方父老傳云李白謫夜郎時玩月於此輿地紀勝

勸農臺在城東五峰山下舊府志稿

釣魚臺在衛城東南明一統志

釣臺在瑞獅崖石壁鑄有釣臺二字舊府志稿

野意樓在衛治西城上指揮同知孫本建明一統志

太白樓在北城上明撫夷同知宋洪奉建今毀址尚存

舊府志稿按今俗呼插鼓臺

清江樓即衛城東門樓也城四門各有樓東曰清江西

施南府志 卷之四 疆域 三

曰西順南曰南陽北曰拱北俱洪武中建明一統志

半逸亭在衛城象耳山元妙觀之東明一統志

宣威堂在衛治指揮僉事孫斌建明一統志

澄清閣在城外水滸廟左舊府志稿

白坡書屋在城南二十里鄧榎建

客星山房在城西童昶讀書處以上並見湖廣通志

仙人宅在城北七十里明一統志

砥瀾樓在府城內東南上舊衛志

大觀閣在府城南門外舊衛志

葵園在府城南門外鄉宦童大望別業 舊衛志

大莫園在府城南門外鄉宦李一鳳別業 舊衛志

臨流石閣在府城南五里指揮唐一麟別業 舊衛志

讀易岩在府城西客星山下鄉賢童昶故蹟

籌邊樓在衛城內兵備署後 舊衛志

鹿山石穴在衛城南四百里 舊衛志

神仙洞在府城東戎角上房村後岩間有活水 舊衛志稿

仙人掌在衛城北新化屯大石嶺上其掌蹟大而有紋

張果崖在都會里岩間鑿孔以木為梯而上相傳張果

施南府志 卷之四 疆域 四

於此岩頂煉丹 舊府志稿

康君赤穴在衛城東八十里廩君巴務相生此

黑穴在衛城南二百里兩石並立 舊府志稿

照京塘水之清濁占地方吉凶 舊府志稿

詹公故宅在城內登龍橋 舊府志

蠻王寨在城南六里四面峭壁惟一徑可上

觀瀾臺在城南岩石壁上刻有觀瀾二字

求雨臺在西城上

宣恩縣

廢上愛茶崗長官司廢下愛茶崗長官司在縣境明宣德二年置一長官司隸東鄉安撫司今裁

廢鎮南長官司在縣境明永樂五年置隸施州衛今裁
廢搖把崗長官司在縣境明宣德三年置隸東鄉安撫司今裁

廢鎮遠蠻夷長官司 廢隆奉蠻夷長官司俱在縣境明宣德五年置一長官司隸東鄉安撫司今裁

廢施南長官司在縣境明成化後置隸高羅安撫司今裁

施南府志

卷之四

疆域

五

廢東鄉土司在縣境明洪武六年置安撫司隸施南宣慰司

國朝爲東鄉土司隸施州衛雍正十三年裁

廢高羅土司在縣境明洪武六年置安撫司屬忠建宣撫司

國朝爲高羅土司隸施州衛雍正十三年裁

廢忠崗土司在縣境明永樂四年置安撫司隸忠建宣撫司

國朝爲忠崗土司隸施州衛雍正十三年裁

廢忠建土司在縣境明洪武六年置宣撫司隸施州衛
國朝爲忠建土司仍隸施州衛雍正十三年裁

廢木冊土司在縣境元置安撫司明玉珍改長官司明
因之屬高羅安撫司

國朝爲木冊土司隸施州衛雍正十三年裁以上並見湖北通志

咸平石柱宋丁謂立舊志載距城三百里今應在宣恩
縣境內

天聖石柱宋刺史史方逐蠻至七女柵降之立以分界

至明時石斷舊志載距府城二百七十里今宣恩來鳳

施南府志 卷之四 疆域

交界處卽其地也 宋志

蠻人田承恩等誓柱文在施州今佚 湖北通志 宋史地理志

清江縣細沙砦今宣恩縣東鄉有細沙壩卽其地也 宋志

儒學雙桂相傳不栽自生經秋花發香倍尋常初爲土

官署後改爲學宮人咸謂瑞應云 舊志稿

來鳳縣

廢大旺土司在縣境明永樂五年置安撫司隸散毛宣

撫司舊名大翁迦

國朝爲大旺土司隸施州衛雍正十三年裁

廢東流土司在縣境明宣德三年置長官司隸大旺安撫司

國朝爲東流土司隸施州衛雍正十三年裁

廢臘壁土司在縣境明置長官司隸大旺安撫司

國朝爲臘壁土司隸施州衛雍正十三年裁

以上並見湖北通志

卯崗長官司 漫水長官司今並廢

咸豐縣

廢龍潭土司在縣境明洪武四年置安撫司屬散毛官撫司

施南府志

卷之四

疆域

七

國朝爲龍潭土司隸施州衛雍正十三年裁

廢金崗土司在縣境明永樂五年置安撫司隸施南官撫司

國朝爲金崗土司隸施州衛雍正十三年裁
廢唐崖土司在縣境明洪武六年置長官司始隸施州衛

國朝爲唐崖土司雍正十三年裁

以上並見湖北通志

硝場在大田所北一百里懸崖數千丈下有河渡其半崖一孔勢若城門上產硝土

明一統志

仙掌在大田所西三十里懸崖壁立吐有白色如掌下有黑迹如虎形

明一統志

利川縣

銀山廢縣在衛城西一百八十里

明一統志

廢劍南長官司在縣境明宣德三年置隸忠路安撫司
今裁

廢忠路土司在縣境明洪武四年置安撫司隸施南宣撫司

國朝為忠路土司隸施州衛雍正十三年裁

以上並見湖北通志

施南府志

卷之四

疆域

八

廢忠孝安撫司元置明洪武四年改置長官司尋復故
二十年廢永樂五年復置隸施南宣撫司今裁

廢沙溪長官司在縣境

建始縣

廢業州在縣東三十里州基山舊志載恩施宣恩二縣
皆古業州地建始志云有永福草塘二里世亂民散遂
為容美所據今按形勢佔於容美事固有之而古業州
實不止建始一縣也

舊志稿

核桃園在縣東南六十里

涪翁真蹟采黃庭堅謫涪號涪翁
詹狀元故里在縣銅鑼壩

宋志

嗣於石通洞

舊志稿

